

PAGLINTEGAN MAINAIG ITI BULI KEN GAMBANG

Buli ken Mainum a Danum

Ti Board of Water Supply (BWS) ket makalikaguman a regular nga eksamenenna ti danum iti gripo ti balbalay iti intero nga isla tapno makita no adda buli ken gambang dayta maitunos iti paglintegan mainaig iti buli/gambang ti U. S. Environmental Protection Agency (EPA).

Nupay nasayaat dagiti resulta ti panangeksamen ken maulit-ulit nga impakitada a ti buli ken gambang ket saan a problema iti mainum a danum kadagiti pagtaengan iti Oahu, rinebisar ti EPA dagiti regulasion idi 2021 tapno ad-adda pay a maprotektaran dagiti konsiumer iti epekto ti buli ken gambang.

Pagtaudan ti Buli iti Mainum a Danum

Makastrek ti buli iti mainum a danum no agrunot dagiti linia wenno tubo ti danum nga addaan iti buli. Kanayonanna, no sumagmamano nga oras wenno napapaut pay nga agtalinaed ti danum kadagiti tubo nga addaan iti buli, posible a marunaw ti buli iti inumem a danum. Para iti kanayonan nga impormasion maipapan iti buli iti mainum a danum nga impaay ti Environmental Protection Agency (EPA), [i-click daytoy](#).

Ti kaadda ti buli iti mainum a danum ket maysa a posible a pagtaudan ti buli. Ti dadduma pay a pagtaudan ti buli ket pintura, seremiko a bambanag, gasolina, bateria, ken kosmetiko. Para iti ad-adu nga impormasion, [i-click daytoy](#).

Posible nga Epekto ti Buli iti Salun-at

Sigun iti EPA, ti pannakailaok ti buli iti mainum a danum mabalin a grabe ti epektona iti salun-at aniaman ti edad ti maysa a tao. Mabalin a bumaba ti IQ ken kapaut ti panagatension dagiti maladaga ken ubbing. Ti panangipauneg iti buli mabalin nga agresulta iti baro a problema iti panagsursuro ken ugali wenno pakaruenna dagiti agdama a problema iti panagsursuro ken ugali. Ti annak ti babbai a nakaipauneg iti buli sakbay wenno bayat ti panagsikogda mabalin a mas agpegpeggad kadagitoy negatibo nga epekto iti salun-at. Mas agpegpeggad dagiti adulto a maaddaan iti sakit ti puso, nangato a presion ti dara, ken problema iti kidney wenno iti sistema ti nerbio.

Para iti ad-adu nga impormasion maipapan kadagiti posible nga epekto ti buli iti salun-at, [i-click daytoy](#).

Imbentario ti Linia ti Tubo

Maitunos iti 2021 Lead and Copper Rule Revisions, nangaramid ti BWS iti imbentario ti linia ti tubo ti danum a pakairamanan dagiti impormasion para iti intero a linia ti tubo a konektado iti pagtataudan ti danumtayo nga agturong iti balbalay ken pasdek. Dakamaten ti imbentario no ti materiales ket buli, saan a buli, galbanisado a masapul a masuktan, wenno di ammo no adda wenno awanan iti buli.

Tapno maammuum ti ad-adu maipapan iti materiales iti linia ti tubo ti BWS nga agturong iti balay wenna negosiom, [i-click daytoy](#).

Panangeksamen iti Kaadda ti Buli ken Gambang

Dagiti resulta ti imbentario ti linia ti tubo ti danum kadagiti napili a pasdek ti pagtaengan ken negosio ti mausar para iti panangeksamen no adda buli ken gambang ti danum. Makita ti resulta dagita a panangeksamen babaen ti panangi-click iti link iti baba.

[I-click daytoy](#) para iti sampol dagiti resulta iti panangeksamen no adda buli ken gambang.


Kasanom a Maksayan ti Buli iti Mainum a Danum

Dagiti resulta ti panangeksamen iti danum ti gripo ti mangipakita a natalged nga inumen ti danummo. Nupay kasta, no pakadanagam no adda buli iti inumem a danum, adda dagiti addang a mabalinmo nga aramiden tapno maksayan ti peggad.







Mabalin a serio a problema iti salun-at ti resulta ti buli, nangruna iti masakog a babai ken ubbing. Ti kaadda ti buli iti mainum a danum ket kangrunaan a nagtaud iti materiales ken bambanag mainaig iti linia ti tubo ken linia ti danum iti balay. Responsabilidad ti BWS nga ipaay ti dekalidad a mainum a danum ken ti panangikkat kadagiti tubo a buli, ngem saanna a kontrolado ti klase ti materiales iti linia ti tubo ti danum iti balaymo. Responsabilidadmo met nga ilasin ken ikkaten ti materiales a buli iti tubo ti danum iti balaymo ken ikagumaan a kissayan ti peggad para iti pamiliam.

- **Paruarem ti danum kadagiti tubo sa luktam ti gripo.** Sakbay nga usarem ti danum ti gripo, paruarem ti danum kadagiti tubo iti sumagmamano a minuto babaen ti panangilukatmo iti gripo, panag-shower, panaginnaw iti adu a plato.
- **Agusar iti nalamiis a danum.** Agusar laeng iti nalamiis a danum kas inumen, pagluto ken pagaramid iti gatas ti maladaga. Ti napudot a danum mabalin a paaduenna ti konsentrasion ti buli iti gripo isu masapul a saan a mausar a pangisagana iti taraon wenna gatas ti maladaga. Ti agburburek a danum saanna a kissayan wenna ikkaten ti buli nga adda iti mainum a danum.
- **Agusar iti pagsagat (filter).** Mabalinmo met ti agusar iti filter a sertipikado ti maysa nga American National Standards Institute a napalubosan a mangted iti sertipiko tapno maksayan ti buli iti mainum a danum.
- **Ipasubokmo ti danumyo.** No pakadanagam baka adda buli iti in-inumem a danum ken kayatmo a masubok ti danumyo, kontakem ti BWS. Dagiti impormasion maipapan iti buli iti mainum a danum, dagiti pamay-an ti panangeksamen, ken dagiti addang a maaramidam tapno basbassit ti tiansa a maisarangka iti dayta ket makita iti <http://www.epa.gov/safewater/lead>.
- **Lasinem dagiti marka ti awanan-buli a sertipikasion iti tubo ti danum ken dagiti produkto a mainaig iti tubo.** Adda nagdumaan dagiti termino a nababa a buli ken awanan iti buli. Ti Safe Drinking Water Act kinissayanna ti kaadu ti buli manipud 8% a nagbalin a 0.25% para kadagiti tubo, ramramit para iti dayta, ken fixtures sa 0.2% para iti solder ken flux. Para iti ad-adu nga impormasion manipud iti EPA, [i-click daytoy](#).

No madanaganka baka maipauneg ti anakmo ti buli, mabalin nga ipaeksamen no adda buli iti darana. Kontakem ti health care provider-mo iti lugaryo wenko ti Hawaii Department of Health para iti ad-adu nga impormasion.

Para iti ad-adu nga impormasion, tawagannakami iti (808) 748-5041 wenko i-email-nakami iti contactus@hbws.org. Para iti ad-adu nga impormasion maipapan iti panangkissay iti pannakaisarang iti buli iti aglawlaw ti balay/pasdekyo ken dagiti epekto ti buli iti salun-at, bisitaem ti Web site ti EPA iti <http://www.epa.gov/lead>  wenko kontakem ti health care provider-mo.

Para iti Ad-adu nga Impormasion

- [EPA: Lead and Copper Rule](#) 
- [EPA: Learn about Lead](#) 
- [EPA: Infographic: Lead in Drinking Water](#) 
- [EPA: Basic Information about Lead in Drinking Water](#) 
- [EPA: Contact Information for Certification Programs and Certified Laboratories for Drinking Water](#) 
- [CDC: Lead in Drinking Water](#) 

Na-update: 05/25/2023